

Deiecte pardurablement  
Fiction maine a dampnement

Et celuy que iay sus nomme  
Quon pensoit fort estre nocent  
Lequel estoit mal renomme  
Touttefois il est ignocent  
Et en sa derniere fin sent  
Les biens de la dame passas  
Tel prent repos qui nest pas las

Tous ses semblans le bel ouurage  
De grant vertuz ne haient pas  
Sans encourir aucun oustrage  
Auront tousiours ce doulx appas  
Jamais nauront maseureux cas  
Ains dieu tousiours les aidra  
Qui quiert dieu il luy suruiendra

Et ne garde ce sapient  
Porter le son ou folle micte  
Feust il de scauoir inscient  
Mais quil face selon lespitte  
Car ie le mectray au haut tistre  
De vertuz et toute noblesse  
Qui vit bien peche ne se blesse

Mais folz assemblez et caterue  
Jen treuve de plusieurs manieres  
Les vngz ont la ceruelle terue  
Qui veullent porter les banieres  
Les aultres de pensees fieres  
Aux tresors se vont employer  
Qui fait mal na point de loyer

Affin que tous ceulx ie vous nomme  
Le noble clerc prestre oule riche  
Le pauvre le bourgeois en somme  
Le moyne lapostat ou le chiche  
De tous mestiers fist il la miche  
Nostre nef quasi toute sonne  
Le fol au saige mal consonne

Le rustic le ieune et simberbe  
Le puissant le vieil laccropi  
Fust il faucheur de pie ou serbe  
De toute sorte et decrepit  
Si sont folz nont point de repit  
Ils viendront en ma nef a haste  
Mal fait qui brusle ou feu sa paste

Et le scientiffict ou doct  
La femme bourgoise ou pucelle  
Liurongne lincense ou sot  
La pudique chaste ou ancelle  
Pourueu que soit des sotes celle  
La ieune ou vieille mariee  
Femme est bien tost deuariee

Aussi telles voluptueuses  
Lesquelles plusieurs gens commouent  
De ses amours amertueuses  
Et laisser toutes meurs semouent  
Toute ordure et grant fiant mouent  
En charnelle felicite  
Maseureux aime vilite

Folz a follie conuertis  
En mon mirouer prenez garde  
Et comme gens bien aduertis  
Mires vous chacun se regarde  
Et vous verrez mainte grant darde  
De grant peche qui vous conuoit  
Qui bien se mire bien se voit

Sachez que nostre entencion  
A aultre chose ne pretend  
Que puissions satisfaction  
Faire a dieu et ce quil contend  
Nostre vouloir a cecy tend  
Et que de vertuz soions pure  
Il est eureux qui veult bien viure

De peche oster les stimacs  
Et vice qui pauvre ame mort